



**KEMENTERIAN PENDIDIKAN
NEGARA BRUNEI DARUSSALAM**



**KEMENTERIAN HAL EHWAL UGAMA
NEGARA BRUNEI DARUSSALAM**

SIARAN MEDIA

**MELANJUTKAN PEMBELAJARAN DAN PENGAJARAN SECARA DALAM TALIAN (ONLINE),
CUTI KHAS PERSEKOLAHAN BULAN RAMADHAN DAN HARI RAYA AIDILFITRI
DAN
SESI PERSEKOLAHAN PENGGAL KE-DUA SETERUSNYA**

Kementerian Pendidikan, Berakas / 15 Syaaban 1441 bersamaan 09 April 2020 - Kementerian Pendidikan dengan nasihat Kementerian Kesihatan ingin memaklumkan bahawa bagi memastikan kesihatan dan keselamatan pelajar-pelajar, Kementerian Pendidikan telah memutuskan agar pelajar-pelajar terus berada di rumah sepanjang sesi persekolahan penggal kedua dan untuk meneruskan pelaksanaan pengajaran dan pembelajaran secara dalam talian (online) bagi semua sekolah-sekolah rendah, menengah, pusat-pusat tingkatan enam, sekolah-sekolah vokasional dan Institut Pendidikan Teknikal Brunei (IBTE) di bawah kawalan Kementerian Pendidikan termasuk semua sekolah-sekolah di bawah kawalan Kementerian Hal Ehwal Ugama, sekolah-sekolah swasta bermula **19 Syaaban 1441 bersamaan 13 April 2020 sehingga 21 Ramadhan 1441 bersamaan 14 Mei 2020** manakala sekolah-sekolah antarabangsa adalah tertakluk kepada tarikh yang telah ditetapkan oleh institusi masing-masing.

Cuti khas persekolahan bulan Ramadhan dan Hari Raya Aidilfitri akan bermula pada 22 Ramadhan 1441 bersamaan 15 Mei 2020 hingga 08 Syawal 1441 bersamaan 31 Mei 2020. Dengan itu, sesi persekolahan penggal kedua seterusnya bagi semua sekolah-sekolah rendah, menengah, pusat-pusat tingkatan enam, sekolah-sekolah vokasional dan Institut Pendidikan Teknikal Brunei (IBTE) di bawah kawalan Kementerian Pendidikan dan juga semua sekolah-sekolah di bawah kawalan Kementerian Hal Ehwal Ugama, serta sekolah-sekolah swasta akan dimulakan pada **10 Syawal 1441 bersamaan 02 Jun 2020**. Bagi sekolah-sekolah antarabangsa, ianya adalah tertakluk kepada tarikh yang telah ditetapkan oleh institusi masing-masing. Walau bagaimanapun, tarikh tersebut serta pelaksanaannya adalah masih tertakluk kepada perkembangan jangkitan pandemik COVID-19 ini serta nasihat daripada Kementerian Kesihatan yang mana akan dimaklumkan kemudian.

Pihak sekolah juga akan terus mengaktifkan *Business Continuity Plan* (BCP) masing-masing sepanjang pelaksanaan pengajaran dan pembelajaran secara dalam talian ini bagi menjaga kesejahteraan guru-guru dan warga sekolah. Pelaksanaan kaedah *Work From Home* (WFH) adalah masih menggunakan kaedah *flexible working arrangements* bagi semua warga perkhidmatan awam selaras dengan kenyataan di dalam Surat Keliling Jabatan Perdana Menteri bilangan 06/2020.

Untuk sebarang pertanyaan dan maklumat lanjut, orang ramai bolehlah menghubungi Pusat Gerakan COVID-19 Kementerian Pendidikan di talian 2382396 pada waktu pejabat sahaja.

- T A M A T -

Disediakan oleh	
Unit Perhubungan Awam, Kementerian Pendidikan Berakas Negara Brunei Darussalam BB3510 Tel.: 238 1301 Faks : 238 0703 Emel : feedback@moe.gov.bn Laman Sesawang : www.moe.gov.bn Twitter: MoEducation Brunei Instagram: moe_brunei Facebook: Ministry of Education Brunei Darussalam	Unit Perhubungan Awam, Kementerian Hal Ehwal Ugama Jalan Dewan Majlis, Berakas Negara Brunei Darussalam BB3910 Tel.: 238 2525 / 6 / 311 Emel : info.kheu@mora.gov.bn Laman Sesawang : www.kheu.gov.bn